

Акафист святителю Иннокентию, епископу Пензенскому и
Саратовскому.

Кондак 1

Избранный угодниче Христов и дивный благочестия подвижниче, святителю отче Иннокентие, восхваляем тя яко Православия поборника и пагубных обычаев искоренителя. Ты же, имея дерзновение ко Господу, даровавшему нам тя великаго молитвенника и скорого в бедах помощника, моли о пастве твоей, зовущей: Радуйся, святителю отче Иннокентие, теплый молитвенниче о душах наших.

Икос 1

Ангельским смирением украсив житие твое, святителю отче Иннокентие, от юности Божественную Премудрость возлюбил еси, Духом Святым освящен, лучами Христова учения всех просвещая; сего ради тебе, на Небеси и на земли прославленному, во умилении вопием сие:

Радуйся, смирением на гору добродетелей возведенный;
радуйся, ко Ангельским ликам на Небеси причтенный.
Радуйся, Церкви Православныя пастырю предобрый;
радуйся, пастве своей от волков губительных защитниче
неустрасимый.

Радуйся, целомудрия ревнителю изысанный;
радуйся, образе кротости драгоценный.
Радуйся, Православия проповедниче неустанный;
радуйся, архиерею Божий свыше прославленный.
Радуйся, яко зрением раки мощей твоих нас утешаеши;
радуйся, яко источник исцелений обильно нам изливаеши.

Радуйся, паству пензенскую доброделанию научая;
радуйся, землю Саратовскую в вере утверждая.

Радуйся, святителю отче Иннокентие, теплый молитвенниче о
душах наших.

Кондак 2

Видев, святителю отче Иннокентие, яко вера православная во
Отечестве нашем попирается от лжеучителей инославных, потщался
еси вседушно Христу послужити и веру истинную от ересей оградити,
паству же от волков, расхищающих ю, защитити. Мы же, дивящиеся
таковому твоему дерзновению, вопием укрепльшему тя Господу:
Аллилуиа.

Икос 2

Разум богопросвещенный имея, измлада Христу послужил еси, временныя сласти во уметы вменяя, того ради благодатию архиерейства увенча тя Господь. Мы же подвижническое изволение твое воспевающе, вопием ти сице:

Радуйся, путь правый избравый;

радуйся, сим неотступно шедый.

Радуйся, вся красная мира презревый;

радуйся, душу свою добродетельми украсивый.

Радуйся, сердце свое Христу отверсто имевый;

радуйся, страстем входы его затворивый.

Радуйся, послушания вся иноческая неленостно прошедый;

радуйся, со страхом Божиим Жертву Безкровную приносивый.

Радуйся, монахом правило изящнейшее;

радуйся, священником образе благоговейнейший.

Радуйся, всем подвизающимся добрый наставниче;

радуйся, труждающимся спасения ради скорый помощниче.

Радуйся, святителю отче Иннокентие, теплый молитвенниче о душах наших.

Кондак 3

Силою свыше облече тя Господь, ты же, святителю отче Иннокентие, взял крест свой, невозвратно Ему последовал еси, и уведев, яко яко Христово благо и бремя Его легко есть, воспел еси Милосердному Богу: Аллилуиа.

Икос 3

Имея на скрижалях сердца твоего словеса Божественнаго Павла, истинный образ верным явился еси, и нас вслед Христа шествовати научи, вопиющих ти таковая:

Радуйся, Христов учениче истинный.

радуйся, во благовестии апостолом подобный;

Радуйся, яко чистотою ангельскою облечлся еси;

радуйся, яко отцем древним во учении подражал еси.

Радуйся, даром прозрения почтенный;

радуйся, исповедниче неустрашимый.

Радуйся, яко в подвизех своих великим преподобным равен был еси;

радуйся, яко непрестанно ко Господу молитвы возносил еси.

Радуйся, милостыню творити николиже оставивый;

ра́дуйся, па́мять сме́ртную на вся́кий час жити́я свое́го имéвый.

Ра́дуйся, благоле́пия хра́мов Бо́жиих ревни́телю;

ра́дуйся, я́ко сам храм Го́споду яви́лся еси.

Ра́дуйся, святи́телю о́тче Иннокéнтие, тёплый моли́твенниче о душа́х на́ших.

Кондак 4

Вели́кому святи́телю Ростóвскому Дими́трию не то́кмо ли́ком подо́бен был еси́, но жити́ем и де́лы свои́ми сему́ уподо́бился еси́, просвещáя малове́рных, ве́рных же укрепля́я, нас же всех научáя вопи́ти Милосе́рдному Бо́гу: Аллилу́иа.

Икос 4

«Се Жени́х грядёт в полу́нощи», — та́ко воспёл еси́, блаже́нне, благода́ть архиере́йства приём, не ра́бе, но дру́же Христóв Иннокéнтие, и Го́спода срéтил еси́ душе́ю, любóвию горя́щею, и нас в любви́ Божéственной укрепи́, зову́щих ти такова́я:

Ра́дуйся, я́ко Си́ла Бо́жия соверши́ся в не́мощем телеси́ твоём;

ра́дуйся, я́ко вси недúзи со смире́нием претерпéл еси́.

Ра́дуйся, клеветы́ и осужде́ния я́ко младе́нец незло́бивый прия́л еси́;

ра́дуйся, я́ко во обличéнии нечест́ия на ли́ца не взирáл еси́.

Ра́дуйся, ни́щих и си́рых пита́телю изобильный;

ра́дуйся, оби́женных защи́тнице дерзнове́нный.

Ра́дуйся, оби́дящих многомудренное обличéние;

ра́дуйся, учите́лю, па́ству, ти ввэ́ренную, ко спасéнию наставля́яй.

Ра́дуйся, уны́ние си́лою упова́ния на милосе́рдие Бо́жие победи́вый;

ра́дуйся, с крóтостию и смире́нием и от прóстых поучéния приима́вый.

Ра́дуйся, вся́ ко́зни вра́жия си́лою Бо́жиею попра́вый;

ра́дуйся, Бо́гу сла́вно угоди́вый.

Ра́дуйся, святи́телю о́тче Иннокéнтие, тёплый моли́твенниче о душа́х на́ших.

Кондак 5

«Возвели́чите Господа со мно́ю и вознесём Ё́мя Егó вку́пе», — та́ко па́ству Сара́товскую в про́поведи призывáл еси́, ны́не же мы с тобо́ю вку́пе вопи́ем Жизнода́вцу Бо́гу: Аллилу́иа.

Икос 5

Непрестáнно в кѣлли колѣна преклоняя, «Бóже, мѣлостив бѣди мнѣ грѣшному», взывáл есѣ, и нам мѣлостива сотвори Владыку Небесѣ и землѣ, тебѣ вопиющим таковáя:

Рáдуйся, íмя Господне я́ко ору́жие проти́ву ко́зней диáвольских имѣвый;

рáдуйся, си́лу Бóжию в нѣмо́щем телесѣ стяжáвый.

Рáдуйся, си́лою молѣтв твоѣх всѣ навѣты вра́жия разруши́вый;

рáдуйся, благочѣстия стóлпе, на ка́мени спаси́тельныя вѣры возведѣнный.

Рáдуйся, по́двигом дóбрым чад своѣх терпели́вно научи́вый;

рáдуйся, всего́ себѣ в рѣ́це Бóжии преда́вый.

Рáдуйся, все́ желáние ко Христу́ имѣвый;

рáдуйся, в Бóзе нáшем намерение́ свое́ полага́вый.

Рáдуйся, я́ко Христу́ сораспáлся есѣ;

рáдуйся, я́ко слáдость лицѣм к лицу́ зрѣния Его́ ны́не вкуша́еши.

Рáдуйся, ходáтаю наш неусы́пный;

рáдуйся, свети́льниче вѣры неугаси́мый.

Рáдуйся, святителю́ óтче Иннокѣ́нтие, тѣплый молѣтвенниче о душа́х нáших.

Кондак 6

Дѣ́вным видѣ́нием укрепѣ́ ты Господь при кончѣ́не земна́го жити́я твоего́: áнгели Бóжии при́яша ты с собо́ю и в Небѣ́сныя обѣ́тели вознесóша, иде́же ты поѣ́ши ны́не Бóгу: Аллилу́иа.

Икос 6

Во свѣ́тлыя о́ныя обѣ́тели Бóжия пресели́лся есѣ́, пречѣ́дне óтче, словесѣ́м псалмопѣ́вца что́мым «Аз же, Го́споди, упова́ю на Тя». И нас во упова́нии сем свѣ́тлем укрепѣ́, пою́щих ти таковáя:

Рáдуйся, áнгелами на Не́бо вознесѣ́нный;

рáдуйся, Небѣ́сныя рáдости ещѣ́ на землѣ́ вкуси́вый.

Рáдуйся, я́ко тебѣ́ Небесá́ отверзóшася;

рáдуйся, я́ко Господь в Небѣ́сныя обѣ́тели всели́ ты.

Рáдуйся, до кончѣ́ны жити́я твоего́ о па́стве твоѣ́й попечѣ́ние имѣ́вый;

рáдуйся, я́ко нѣмо́щи телѣ́сныя чадолю́бие твоѣ́ не ума́лиша.

Рáдуйся, я́ко Ду́хом Святы́м восходя́ от си́лы в си́лу, Небѣ́снаго Цáрствия дости́гл есѣ́;

рáдуйся, я́ко та́мо ны́не со святы́ми ликовству́еши.

Рáдуйся, я́ко и нас грѣ́шных на землѣ́ не оставля́еши;

ра́дуйся, я́ко ду́хом нам спребыва́еши.
Ра́дуйся, моли́твами свои́ми нам помога́яй;
ра́дуйся, я́ко любви́ твоя́ ника́коже оскуде́ на нас.
Ра́дуйся, святите́лю о́тче Иннокенти́е, те́плый моли́твенниче о
душа́х на́ших.

Кондак 7

Хотя́ просвети́ти всех ве́дением неизрече́нных суде́б Бо́жиих,
дивный списа́тель дел мину́вших был еси́, в нихже премудрый
Про́мысл Созда́теля, вся племена́ и язы́ки ко спасе́нию веду́щий, всем
указа́л еси́. Темже и мы Ще́дрому Бо́гу поклоня́емся и вопие́м:
Аллилу́иа.

Икос 7

Но́ваго тя чудотворца́ и моли́твенника дарова́ нам Человеколю́бец
Госпо́дь, егда́ за умноже́ние беззакония́ оскуде́ во мно́гих любви́. Сего́
ра́ди твоего́ е́же о нас предста́тельства про́сим, на всепокрыва́ющую
любо́вь твою́ наде́ющесея: не оста́ви нас в го́дину лю́тых испытáний,
укрепля́я моли́твами твои́ми вопи́ющих ти такова́я:

Ра́дуйся, я́ко моли́твами твои́ми зе́млю на́шу облагоуха́л еси́;
ра́дуйся, я́ко по́двиги твои́ми край наш освяти́л еси́.
Ра́дуйся, о па́стве твое́й предста́телю неусы́пный;
ра́дуйся, помо́щниче наш во вся́ких бедáх и напáстех.
Ра́дуйся, списа́телю суде́б Бо́жиих пречу́дный;
ра́дуйся, те́ми вся ны наста́вивый.
Ра́дуйся, пропове́дниче велегласный;
ра́дуйся, де́лателью вертогра́да Христо́ва премудрый.
Ра́дуйся, ве́рный и благо́й во́ине Царя́ Небе́снаго;
ра́дуйся, цевни́це духо́вная, Ду́ха Свята́го испо́лненная.
Ра́дуйся, архиере́ев богодохнове́нное украше́ние;
ра́дуйся, благоче́стия твёрдое огражде́ние.
Ра́дуйся, святите́лю о́тче Иннокенти́е, те́плый моли́твенниче о
душа́х на́ших.

Кондак 8

Стра́нное и пресла́вное чу́до яви́ся всем, егда́ честны́я и
многоцеле́бныя мо́щи твоя́, а́ще и от безбо́жных поругани́ бы́ша,
обрето́шася па́ки. К сим у́бо припада́юще, Бо́гу вопие́м: Аллилу́иа.

Икос 8

Весь еси в вышних, но и нас, долу поверженных, не оставляеши, святителю отче Иннокентие, моления наша слышиши и скоро исполняеши. Неотступен убо пребуди от нас, вопиющим ти такая:

Радуйся, яко всех прибегающих к тебе заступаеши;

радуйся, яко врачевания нам источаеши.

Радуйся, яко молением нашим внимаеши;

радуйся, яко во благо их исполняеши.

Радуйся, яко чудесы твоими верныя возвеселяеши;

радуйся, яко мощей твоих беси трепещут.

Радуйся, яко нас, грехми омраченных, просвещаеши;

радуйся, яко смрад страстей наших отгоняеши.

Радуйся, яко талант, Богом данный тебе, умножил еси;

радуйся, яко в радость Господа твоего вшел еси.

Радуйся, яко нас пред Престолом Божиим непрестанно поминаетеши;

радуйся, яко в житий сем нас не оставляеши.

Радуйся, святителю отче Иннокентие, теплый молитвенниче о душах наших.

Кондак 9

Вси православнии людие возрадовашася, егда на Соборе святительством в лице святых Церковь Православная прослави тя. Мы же, имуще такого молитвенника, вопием возвеличившему тя Богу: Аллилуиа.

Икос 9

Ветии суетнореннии, тобою посрамленнии, недоумеют, что глаголати, силою бо Божиею укрепляемь, сих дерзновенно обличил еси. Мы же, взирающе на праведное житие твое и на твердое веры православныя исповедание, вопием ти такая:

Радуйся, Христом Богом возлюбленный;

радуйся, силою свыше облеченный.

Радуйся, научение книжное возлюбивый;

радуйся, к тому усердие имевый.

Радуйся, разум Божественный стяжавый;

радуйся, яко Слово Божие умудрил ты.

Радуйся, преданий апостольских верный блюстителю;

радуйся, правды Божия ревностный хранителю.

Радуйся, просвещенный благодатию;

радуйся, учителю златословесный.

Радуйся, изгнанный правды ради Христовы;

ра́дуйся, таковых бо есть Ца́рствие Небе́сное.

Ра́дуйся, святителю́ о́тче Иннокенти́е, те́плый моли́твенниче о душа́х на́ших.

Кондак 10

Спасти́ хотя́ па́ству твою́ от ересей и собла́знов, скве́рная учения́ беззако́нных обличил еси́, пресла́вне о́тче Иннокенти́е, Правосла́вие же кро́тостию премудрых словес твоих утверди́л еси́ и научил еси́ ста́до твоё воспевати́ Бо́гу: Аллилу́иа.

Икос 10

Стена́ твёрдая и огра́да необорима́я бысть си́ла моли́тв твоих, богоно́се о́тче Иннокенти́е, сего́ ра́ди и мы, па́ства твоя, к тебе́ с ве́рою прибега́ем и усердно мо́лим: бу́ди нам огражде́ние кре́пкое и ору́жие, враги́ прогоняющее, да не возра́дуются хотя́щие нам злая́. Такова́го у́бо благодарова́ннаго помо́щника и заступника́ иму́ще, в веселии́ вопие́м ти такова́я:

Ра́дуйся, па́сты твоёя́ до́брый первостоя́телю;

ра́дуйся, сумня́щихся кре́пкое в ве́ре утвержде́ние.

Ра́дуйся, злобу́ власте́й предрежда́щих кро́тко претерпе́вый;

ра́дуйся, и́стину небо́язненно́ им веща́вый.

Ра́дуйся, гоне́ния и притесне́ния пра́вды ра́ди смире́нно прие́мый;

ра́дуйся, в до́мех благоче́стных ча́д твоих приста́нище имевый.

Ра́дуйся, я́ко тобо́ю от всех зол избавля́емся;

ра́дуйся, я́ко твоими́ моли́твами ре́вности в правосла́вней ве́ре исполня́емся.

Ра́дуйся, я́ко тобо́ю и́стина утвержда́ется;

ра́дуйся, я́ко тобо́ю лицеприя́тие и человекоуго́дие посрамля́ется.

Ра́дуйся, я́ко пресе́кл еси́ злочестивых волне́ние;

ра́дуйся, лю́дем пензенским и сара́товским похвалéние.

Ра́дуйся, святителю́ о́тче Иннокенти́е, те́плый моли́твенниче о душа́х на́ших.

Кондак 11

Пе́ние похва́льное прино́сим тебе́, святителю́ о́тче Иннокенти́е, и смире́нно про́сим тя: моли́ о нас Человеколю́бца́ Бо́га, да не отврати́т лица́ Своего́ от нас, при́сно согреша́ющих и бла́гость Его́ на всяк час преогорчева́ющих, но да изба́вит нас от грехо́в и прегрешéний на́ших, наипа́че же сподо́бит в час кончи́ны на́шея пока́яния и Божéственных

Таин прича́стия, да с тобо́ю в Небе́сных оби́телях воспоём Бо́гу:
Аллилу́иа.

Икос 11

Свети́льник, во тьме неве́рия седя́щих просвеща́й, был еси в
земне́м жити́и твоём, о́тче наш Иннокенти́е. Просвети́ у́бо моли́твами
твои́ми и нас, в пучи́не греха́ погиба́ющих, да благода́рне вопие́м тебе́
си́це:

Ра́дуйся, смире́ния и терпе́ния наста́вниче наш премудры́й;

ра́дуйся, в моли́твах и бде́ниях учи́телю наш предобры́й.

Ра́дуйся, я́ко от суесло́вия и суемудрия нас отвраща́еши;

ра́дуйся, я́ко в добродете́ли нас наставля́еши.

Ра́дуйся, я́ко в суете́ мирсте́й и попече́ниях жите́йских погрязшим
пу́ть в Го́рняя указу́еши;

ра́дуйся, я́ко обремене́нных греха́ми и скорб́ями мно́гими,
никогда́же оставля́еши.

Ра́дуйся, и́стинный учени́че Христо́в, всех си́рых возлюбивы́й;

ра́дуйся, го́рдых и жестоково́йных смири́вый.

Ра́дуйся, я́ко всех счита́ющих тя от напа́стей и зол сохраня́еши;

ра́дуйся, я́ко всех скорб́ящих и боле́знующих, к заступле́нию
твоemú притека́ющих, утеша́еши.

Ра́дуйся, свети́льниче, нас потемне́нных грехми́ любо́вию
освеща́й;

ра́дуйся, ми́ро, нас беззакони́и смра́дными оскверне́нных,
облагоуха́й.

Ра́дуйся, святите́лю о́тче Иннокенти́е, те́плый моли́твенниче о
душа́х на́ших.

Кондак 12

Благода́ти сосу́д избра́нный был еси́, святите́лю о́тче Иннокенти́е;
те́мже восхваля́юще тя усер́дно, мо́лим: проле́й те́плую моли́тву ко
Госпо́ду за Оте́чество на́ше, да изба́вимся от наше́ствия
инопле́менных и междоусо́бных бра́ней, да в ми́ре и ти́шине воспоём
Христу́ Бо́гу: Аллилу́иа.

Икос 12

Пою́ще сла́вное твоё к Небе́сным оби́телем восхожде́ние,
святите́лю о́тче Иннокенти́е, прославля́ем равноа́нгельное жити́е твоё
и во умиле́нии се́рдца сла́вим, хва́лим и велича́ем возвели́чившаго тя

Господа, даровавшего нам новаго молитвенника и предстателя, Егже умоли спастися всем, поющим ти такова:

Радуйся, житием чистым Ангелов удививый;

радуйся, подвиги твоими человек наставивый.

Радуйся, нищетю духовною сокровище Царствия Божия обретый;

радуйся, плачем и скорбями временными утешения вѣчнаго сподобивыйся.

Радуйся, кротостию землю праведных наследивый;

радуйся, правды на земли взыскавый, на Небесех же правдою Божиею насыщенный

Радуйся, милостию и нищелюбием милость велию от Господа стяжавый;

радуйся, очи сердечныя от скверны греха очистивый и Бога узревый.

Радуйся, поношения и неправедная гонения Христа ради претерпевый;

радуйся, изгнанный правды ради и в Небесныя обители со славою вшедый.

Радуйся, миротворче, сыном Божиим нареченный;

радуйся, мзду многу на Небесех приемый.

Радуйся, святителю отче Иннокентие, теплый молитвенниче о душах наших.

Кондак 13

О, преславный святителю Христов Иннокентие! Приими от нас сие малое моление, в похвалу тебе приносимое, и избави нас предстательством твоим от бед и скорбей, да в житии сем временном сетей вражиих и прелести бесовския избавльшися, воздушная мытарства непреткновенно пройдем и в Небесный Иерусалим вселитися сподобимся, идеже с тобою Всеблагому Богу нашему воспоем: Аллилуиа.

Молитва

О, святче Божий, святителю Христов Иннокентие, призри от славы твоея горняя и прими молитвы нас, грешных и недостойных рабов твоих, где пред образом твоим честным [или: святыми мощами твоими] припадающих и тепле умоляющих тя, и принеси их ко Престолу вся содержащаго в руке Своей Бога, Ему же ты добре послужил еси во дни земнаго жития твоего. Умоли, угодниче Божий, Всемилостиваго Спаса Христа за богоданную твою паству, тя

возлюбившую, да отженёт от земнаго отечества твоего вся соблазны, раздоры, нестроения. Церковь Христова и град наш оградь святыми твоими молитвами от расколов, прельщения иновѣрием и наветов злых человек. Всех же нас в единомыслии и любви друг ко другу соблюди, да едиными усты и едином сердцем воспоём всесвятое и единоедержавное Имя Отца, и Сына, и Святаго Духа во веки веков. Аминь.